

և Շխար ճամբով ու հոն կը հասնի Նոյ. 8ին ու կը մնայ մինչև Նոյ. 25, այդ միջոցին այցելելով Ատիշ և Ձնքուշ (Թղ. 198ա-198բ):

Նոյ. 25ին կը մեկնի Ձնքուշի վանքէն. կը հանդիպի Ծովք, Ղուլուլու, Խօլալանք, Թլկատին, Քօմուրխան, Օրթախան, Մալաթիա, Հասանդատրըխ, Հէքիմխան, Ալմալիտէրէսու, Ալահախան, Ղանդալ, Տէլիքլիտաշ, Թէճէլպուռուն, Սերաստիա (Դեկտ. 11-14), Պուլանուխ և Դեկտ. 15ին կը հասնի Թօխաթ, ուր կը մնայ մինչև **1696** Մայիս 28 (Թղ. 198բ-203բ):

Մայիս 28ին կը մեկնի Թօխաթէն. կը հանդիպի ԿօմաՆա, ձինճիֆէ, Աւմուսա, Դայլ գետ (անցք), Անահու լեռ, Տաշթէքնէ, Օթլուտէրէ, Պաղարսուխտէրէ, Ղօյլասար, Ապահու Հայիր, Չուման (Քրթաց օպաներ), Պալախուրայ գետ, Եղնկանու հանդէպ, Օթլուպէլի ձոր, Ղարալուլախ, Ալիմէյտան, Թօփալչաուշայ և Տուզլայու հանգէպ, ձինխու Հայիր, Իրիճա և Յունիս 19ին կը մտնէ Էրզրում, ուր կը մնայ մինչև Յուլիս 23 (Թղ. 203բ-205բ):

Յուլիս 23ին կ'ելէ Էրզրումէն ու կը հանդիպի Էրզրումի վանքը, Դու, Հասանդալայի վանքը, Սօկութլու, Սանամէրու գետը (անցք), Ղարս, Ղօշալանք, Ղփչախ, Պաշապարան, Ղըզըլքօյ, Սաղմոսալանք, Ոհանալանք (Օգոստ. 6). հոն կ'ողջունէ Նահապետ կաթողիկոսը ու միասին կ'երթան Երևանի Ս. Սարգիսի վանքը, և Օգոստ. 10ին կը մտնեն Էջմիածին (Թղ. 205բ-206ա):

1696 Օգոստ. 10էն **1698** Օգոստ. 16 կը մնայ Էջմիածին: 1696 Նոյ. 1ին Ձուղայեցի Ստեփանոս վրդ. կը գրաւէ հայրապետական աթոռը և հետեւեալ օրը, Նոյ. 2, չաբաթ, 12 եպիսկոպոսներով, որոնց կը նախագահէ Ամգեցի, կ'օծուի կաթողիկոս: Նոյն օրը, կը գրէ Ամգեցի, «Ձուղայեցի Ստեփանոս վարդապետն կաթողիկոս ձեռնադրեցի. ԺԲ եպիսկոպոս զգետաւորեցան, ես եգի ձեռն ի վերայ և ես օծի զգաղաթն. Սահակ վարդապետն քարոզ. օծմանն ծանուցումն ես և ժողովուրդ քի» (Թղ. 208բ): Հինգ օր վերջ, Նոյ. 7ին, կ'երթայ Ղօշալանք ու հոն կը մնայ մինչև **1697** Յունուար 15: Նոյն օրը կը մեկնի Ղօշալանքէն ու հանդիպելով Թալին և Փարպի՝ Յունուար 17ին կը հասնի Ս. Սարգիսի վանքը և հոն կը մնայ մինչև Փետր. 4: Նոյն օրը կ'երթայ Երևան և կ'ողջունէ Նահապետ կաթողիկոսը, որ Ստեփանոս Ձուղայեցին ձգած ու վերստին տիրացած էր հայրապետական աթոռին: Փետր. 18ին կը դառնայ Էջմիածին՝ մերթ Ընդ մերթ երթալով չըր-